



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus IV. Quos effectus habeat Interdictum?

[urn:nbn:de:hbz:466:1-73064](#)

ex Trid. Sess. 25. c. 12. de reformat. ibi: & solemnem precum Ecclesiasticarum 3. censura & interdicta, nedum à Sede Apostolica emanata, sed etiam ab Ordinariis promulgata mandante Episcopo, à Regularibus in eorum Ecclesie publicentur, atque serventur. Verum aliud est, quod interdicta Episcoporum, etiam Regulares exempti vi hujus textus debeant publicare in suis Ecclesie, ac in eisdem observare, ne ibi siant, quae per tale interdictum inhibita sunt; aliud, quod ipsa illorum Ecclesia sint interdicta; primum recte deducitur ex cit. textu: non secundum. Hinc ad 2. 12. negativè, quia Episcopus in eas non habet jurisdictionem, ad 3. 12. affirmativè, cum expressè habetur in cit. c. Si civitas.

²¹²² Not. Ulterius, interdictis generaliter terris alicuius Domini, intelligi etiam terras ipsi datae in feudum, in dotem uxoris, in usumfructum, & omnes illas, in quas habet jurisdictionem; non autem eas, quas habet in pignus (hæ enim non sunt ipsius) nec eas, in quas habet solum dominium directum (quales sunt, quas aliis dedit in feudum) sic enim non puniretur ipse; nec eas, quas acquirit post latum interdictum; quia sententia non extenditur ad futura, nec istæ sunt pars terræ prius interdictæ; Sic Hurtado cit. n. 15.

ARTICULUS IV.

Quos effectus habeat Interdictum?

²¹²³ **S**Upponendum interdictum ab ipso Lato re interdicti limitari posse quoad effectus; hi enim non sunt necessariò con necti; quo posito: 1. per interdictum totale, seu absolute latum, cauari tres effectus, seu triplicem obligationem abstinenti 1. à celebratione, seu publica dictione divinorum officiorum, publicaque eorum auditione; 2. ab usu Sacramentorum aliorum, activo & passivo; 3. à sepultura Ecclesiastica. Constat ex c. *Si sententia*, 6. c. *Si civitas*, 17. c. *Alma Mater*, 24. de sent. excom. in 6. & c. *Responso*, 43. de sent. excom. c. *quod in te*, 11. de poenit. & remissionibus. His addit Bauny cit. q. 13. quartum, scilicet irregularitatem, quam incurrit, qui in loco interdicto celebrat, ex c. *Is, qui de sent. excom.*

§. 1.

Quid venias per officia divina in interdicto prohibita?

²¹²⁴ **R**Elpondet Bauny venire 1. Missæ Sacrificium 2. recitationem publicam,

& solemnem precum Ecclesiasticarum 3. confectionem Sacramentorum, & Sacramentalium, qualis est benedictio aquæ lustralis, ac ejus aspersio solennis. Dicitur autem fieri publice, ac solenniter, quod fit nomine Ecclesia cum ritu, & ceremoniis, quæ ad Ecclesiasticos propriè pertinent. Si autem quæras, an his omnibus privatutis, qui absolute interdictus est? 12. affirmativè; patet ex c. *Alma Mater*, de sent. excom. in 6. ubi dicitur, *dudum statutum fuisse, ut tali casu (certis casibus, & Sacramentis exceptis) nulla divina celebrentur officia, vel ministrentur Ecclesiastica Sacramenta;* quæ vero excepta sint, habentur num. seq.

²¹²⁵ Not. tamen, circa hunc effectum (scilicet privationem divinorum) jure antiquo, pro interdicto locali generali quædam fuisse concessa. Primo enim servatis certis conditionibus, statim referendis, Parochis, & Ecclesiarum Rectoribus concedebatur, semel in septimana celebrare Missam pro conficienda Eucharistia, quæ pro infirmis asservari consuevit; in Ecclesia etiam specialiter interdicta licebat Ministris Ecclesiæ, saltem semel in hebdomada, aut ex necessitate, pluries celebrare, causâ conficiendi Corpus Christi pro infirmis, c. *Permittimus*, h. t. 57. ibi: Permittimus Ecclesiarum ministris semel in hebdomada tempore interdicti, non pulsatis campanis, voce submissa, januis clausis, excommunicatis, & interdictis exclusis, Missiarum solennia celebrare causâ conficiendi corpus Domini, quod decedentibus in poenitentia non negatur. 2. Concedebarunt Clericis, legere horas canonicas sine cantu, idque non pluribus, quam tribus simul; 3. Ex Sacramentis concedebatur solum pœnitentia, & viaticum morituris. c. *quod in te*, 11. de poenit. & remissi. 4. Ut Clerici non specialiter interdicti, qui interdictum generale servarunt, possent in cœmitorio se perliri. Ubi Innocentius III. ad varias questiones respondens ait: in illo verbo, per quod poenitentiam morientibus non negamus, viaticum etiam, quod verè poenitentibus exhibetur, intelligi volumus, ut nec ipsum decedentibus denegetur. Licet autem per generale interdictum denegetur omnibus tam unctio, quam Ecclesiastica sepultura: concedimus tamen ex gratia, ut Clerici decedentes, qui tamen servaverint interdictum, in cœmitorio Ecclesiæ sine cam-

campanarum pulsatione cessantibus solennitatibus omnibus cum silentio tumultentur. Et in conventionalibus Ecclesiis bini, & bini, vel simul tres horas Canonicas valeant legere, non cantare, januis clausis, interdictis & excommunicatis exclusis, & voce ita remissa, quod exterioris audiri non possit: cum & Regularibus secundum privilegium Sedis Apostolicae sit indultum, ut cum generale interdictum terra fuerit, liceat eis januis clausis, excommunicatis & interdictis exclusis, non pulsatis campanis, suppressa voce celebrare divina, quibus positis.

2126 Quæres 1. An dicta prohibitio procedat etiam hodie? *2.* quod non; nam jure novo plura tempore interdicti *localis generalis*, non autem alterius, à Bonifacio VIII. concessa sunt, ut habetur in c. *Alma Mater*, 24. h. t. in 6. cum enim advertisset, quod ex distriktione hujusmodi statutorum ex crescat inde votio populi, pullulent herefies, & infinita pericula animarum insurgent: ac Ecclesiis sine culpa earum debita obsequia subtrahantur, subjungit: cum Fratribus nostris deliberatione habita super his diligenter, concedimus: quod tempore interdicti ab homine, vel à jure prolati: non tantummodo morientes, sed etiam viventes, tam sani etiam, quam infirmi, ad paenitentiam (quæ propter primitatem & facilitatem hominum ad peccandum, summe necessaria est) licet admittantur: dum tamen excommunicati non fuerint, quos admissi (præterquam in mortis articulo) nolumus ad eandem.

2127 Secundò: illis etiam, propter quorum culpam, dolum, vel fraudem lata est sententia interdicti, vel qui ad perpetrandum delictum, cuius occasione ipsum interdictum est latum, præbuerunt auxilium, consilium, vel favorem: nisi de ipso delicto (si sint tales, quod id facere valeant) prius satisfecerint, vel de satisfaciendo idoneam dederint cautionem, aut si satisfacere nequeunt, vel hujusmodi cautionem præstatere juraverint, quod quum poterunt, satisfacient, & ad satisfactionem hujusmodi per eum, vel per eos, qui facere ipsam debent, & possunt, præstandam, dabunt consilium, & auxilium, ac juxta posse suum fideliter laborabunt, non est pœnitentiae beneficium aliquatenus concedendum. Nec tunc etiam quoad istos vel alios, qui circa hoc minimè deliquerunt (ubi civitas, vel lo-

cus alius, seu universitas interdicti existunt) facienda est relaxatio interdicti, sed est eis solummodo injungenda pœnitentia salutaris.

Tertiò adjicit, quod singulis diebus in Ecclesiis, & Monasteriis, Missa celebrentur, & alia dicantur Divina officia sicut prius: submissa tamen voce, & januis clausis, excommunicatis, ac interdictis exclusis, & campanis etiam non pulsatis. Et tam Canonici, quam Clerici Ecclesiarum, in quibus distributiones quotidiane illis, qui horis intersunt Canonicis, tribuuntur: si ad officia non venerint supra dicta, distributiones easdem amittant: sicut interdicto perderent non extante, si divinis officiis non adessent.

Quartò, ut in festivitatibus Nativitatis Domini, Paschæ, ac Pentecostes, & Assumptionis Virginis gloriose, campana pulsentur, & januis apertis alta voce, divina officia solenniter celebrentur, excommunicatis prorsus exclusis, sed interdicti admissis, quibus ob reverentiam dictarum solennitatum (ut ipsi ad humilitatis gratiam, & reconciliationis effectum faciliter inclinetur) præfatis diebus participationem permittimus divinorum: sic tamen, quod illi, propter quorum excessum interdictum hujusmodi est prolatum, altari nullatenus appropinquent. Cæteris, quam circuobervationem interdictorum à nostris sum Prædictoribus instituta, in suo robore duraturis: non obstantibus quibusvis privilegiis, Ecclesiis, Monasteriis, Ordinibus, Religionibus, seu personis Ecclesiasticis, secularibus, vel regularibus, exemptis, & non exemptis, sub quavis forma, vel expressione verborum ab Apostolica Sede concessis, quæ, contra tenorem præsentis Constitutionis, nullis voluntus suffragari, cum quibuslibet, tam secularibus, quam regularibus sufficere debeat, ut tempore interdicti, modo præmisso, diebus celebret supradictis.

Quæres 2. an hæc concessio sit tan.²¹¹⁰ tum pro interdicto locali generali? 3. ubi celebrare licet? 4. an omnis campanæ pulsus prohibeatur? 5. an hæc concilio etiam extendatur sub iisdem conditionibus ad sepulturam illorum Clericorum in Ecclesia? Ad 2. *2.* affirmatively cum Tamburin. l. 10. tr. 3. c. 1. §. 3. & patet ex illis verbis in textu: *ut in terris, seu locis Ecclesiastico suppositis interdicto.* Ad 3. respondeat Hurtado diffic. 7. licere in Ecclesiis, & Monasteriis.

Monasteriis ex cit. c. 24. ibi: quod singulis diebus in Ecclesiis, & Monasteriis Missæ celebrantur; Ad 4. R. quod is tantum, quo convocetur populus ad eam celebrationem audiendam, ibi: & alia dicantur divina officia sicut prius, campanis tamen non pulsatis. Hinc poterunt juxta Tamburin. n. 5. pulsari campanæ ad convocabandum populum pro concione, ad recitandam salutationem Angelicam, ad designandas horas dici: ad elevationem autem in Missa, posse pulsari negat Lezana, V. interdictum n. 26. probabilius concedit Hurtado diffic. 7. n. 20. non enim fit ad convocabandum populum, sed ad eos, qui in Ecclesia sunt, monendos de exhibenda reverentia Christo Eucharistico; sicut etiam Tamburin. loc. cit. Ad 5. affirmativè respondet Tamburin. cit. n. 6. colligitur ex verbis: sicut prius divina officia dicantur.

2131 Quæres 6. An hæc concessio Clericis facta, quæ Ministris Ecclesiæ, extendatur etiam ad Regulares utriusque sexus? 7. an ad omnes Clericos? 8. an interdicti, qui excludendi sunt, etiam si intelligantur, qui tales sunt solùm ratione loci, non suâ culpâ? 9. an ad carentes usu rationis? 10. an per Ecclesiæ ibi intelligantur etiam oratoria? Ad 6. R. affirmativè, etiam quoad Novitios, & omnes personas Ecclesiasticas, incolas, alienigenas, etiam primâ foliū tonsurâ initiatos (si habeant beneficium, aut de mandato Episcopi alicui Ecclesiæ inserviant, aut in literatum studio ad recipiendos majores Ordines versentur juxta Trident. Sess. 23. c. 6. de reform.) imò & Clericos conjugatos cum Virgine unica, si & ipsi de mandato Episcopi alicui Ecclesiæ deserviant; Sic Pellizarius in Manual. Regul. tom. 2. tr. 7. c. 4. 8. 1. n. 35. quia sumus in materia favorabili. Quamvis Hurtado diffic. 7. n. 19. neget de Clericis conjugatis. Ex quo etiam patet responsio ad quæst. 7.

2132 Ad 8. affirmativè respondet Hurtado cit. n. 21. nisi habeant aliud privilegium, vel exposcat necessitas, ut si non adsit nisi Laicus, qui inserviat Missæ. Ad 9. R. affirmativè; hi enim non sunt capaces hujus prohibitionis. Ad 10. negat Hurtado n. 18. sed rectius affirmatur sumendas illas voces amplè (cum simus in materia favorabili) pro omni loco sacro, etiam hospitali, imò & oratorio privato, si ab Episcopo deputata sunt, vel etiam ex potestate Prælati Re-

gularis juxta propria privilegia. Ratio est, quia mens Papæ erat, ut celebrentur divina æquè, ac si non esset interdictum (demptis iis, quæ supra retuli) ergo exercere possunt tempore interdicti, ubique ante interdictum poterant; sed in his omnibus poterant; ergo, ita Pellizarius ex Suarez D. 34. S. 1. n. 9.

Circa eandem concessionem, quæ 2133 tempore interdicti generalis localis jure novo facta est, à Bonifacio VIII. in dicto c. Alma Mater, ubi dicitur in festivitatibus Natalis Domini, Paschæ, Pentecostes, & Assumptionis B. V. campanas pulsandi, & januis apertis, altâ voce, officia divina solemniter celebrandi, excommunicatis prorsus exclusis, sed interdictis admisis, quibus ob reverentiam dictarum solennitatum præfatis diebus participatio permititur divinorum: nota, iisdem festivitatibus additam esse à Martino V. festum Corporis Christi, & ab Eugenio IV. totam ejus octavam, ut habet Hurtado diffic. 7. n. 24. his positis:

Quæstio tamen est 1. an per Pascha, 2134 Nativitatem &c. intelligantur omnes tres dies Paschatis, Nativitatis &c. 2. Unde sumatur initium illorum dierum? 3. quando desinant? 4. an his diebus etiam permittatur per auditionem Missæ communio? 5. an extrema uncio? Ad 1. affirmativè respondet Pellizarius in Manual. tom. 2. tr. 7. c. 4. f. 1. n. 37. §. Suppono 7. & Hurtado cit. n. 24. contra Henriquez, volentem intelligi tantum primum diem; ratio est, quia duo dies sequentes pertinent principaliter, tanquam festa ad illud Mysterium, licet feria secunda Nativitatis alicui Sancto, minus principaliter, sacra sit.

Ad 2. R. illos incipere à primis vesperis, quoad eorum celebrationem, excepto Paschate, & Pentecoste, que incipiunt à Missa Vigiliæ, quia in carum vigiliis Missa per anticipationem fit de ipsis festi- tibus; sic Pellizarius cit.

Ad 3. respondent aliqui, festivitates finiri in Completorio inclusivè, & non in secundis vesperis; sic Hurtado cit. n. 25. contra Avilam, & alios; quia etiam Completorium pertinet ad celebrationem illius diei. Hæc ratio, Completorium pertinere etiam ad celebrationem illius diei, vera est; sed non videtur esse terminus festi; alias labor servilis, post illud licitus es- set, &c.

Tom. V.

Ooo

Ad

2135 Ad 4. negativè respondet Avila, & Sylvester; alii affirmant de interdictis tantum localiter, exclusis interdictis personaliter ob culpam, ratione cuius latum est illud interdictum locale; hi enim, et si tunc admitti possint ad Ecclesiam, tamen prohibiti sunt accedere ad altare, sine quo, ordinario modo, non est communio. Hurtado n. 26. assentitur Avilæ; probabilitet tamen etiam affirmantium opinio defenditur à Pellizario cit. n. 40. §. Moneo 4. de non interdictis personaliter; nam exceptio est tantum quoad hos; ergo quoad alios firmat regulam.

Ad 5. negativam tenet Pellizarius cit. §. Moneo, 6. idque de illa tam activè, quam passivè; ratio est; quia circa ministracionem, vel receptionem extremæ unctionis in hac concessione, imò nec alibi, innovatum est aliquid; ergo manet ut antè; antè autem non permittebatur tempore interdicti, & aliunde hic per participationem divinorum, non venit extrema unctione, ut supra menui: ergo.

2136 Præter dictos favores, scilicet celebrandi privatim (de quo dixi n. 2126.) ac etiam publice in quibusdam Feltis (ut dixi n. 2134.) concedit etiam Bonifacius VIII. ut in memorato interdicto locali generali, possit omnibus, benè & male valentibus, ministrari Sacramentum poenitentia, ut patet ex n. 2125. & seq. exclusis tamen excommunicatis (extra articulum mortis) 2. iis, ob quorum culpam, vel fraudem latum est interdictum; 3. etiam illis, qui ad eam culpam perhibuerunt consilium, auxilium, vel favorem, nisi prius delicto satisfaciant, vel de hoc dent cautionem, aut si neutrum possint, jurent, ut primum possint, satisfacturos. Ex quo patet ad primum effectum interdicti, scilicet quoad passivam, & activam tractationem divinorum; si enim sit interdictum personale, tam generale, quam speciale, absolute in totum privat eâ divinorum tractatione, quod etiam de locali speciali absolutè prolatto tenendum.

§. 2.

An, & qua Sacraenta tempore interdicti prohibeantur?

2137 Præter effectum, de quo priori §. alter est prohibitio quorundam Sacramentorum tam activè, quam passivè, ut patet ex dictis. Hinc quæres 1. qua Sacraenta

prohibeantur? 2. an tractatio activa? 3. ad receptione? Ad 1. p. per interdictum non privari quem Sacramento poenitentia, c. Alma Mater, de sent. excom. in 6. intellige cum limitationibus datis à n. 2135. Deinde non prohiberi Baptismum solenniter ministrari, & consequenter recipi posse tempore interdicti, etiam à bene valentibus, Eucharistiam autem tantum ægris & constitutis in mortis articulo.

De baptismno habetur ex definitione Alexandri III. in c. *Non est Vobis*, 11. de Sponsalibus, ubi sic loquitur: *Non est Vobis* (sicut arbitramur) *incognitum*, qualiter Rex Anglorum pro discordia, quæ inter ipsum, & filios suos est suborta, uxores eorum detineat: Nos itaque attendentes justum, & honestum esse, ut viri suis pertant uxores, mandamus, quatenus eundem Regem ad eas restituendas solicite moneat: & si juxta commonitionem vestram filiis suis uxores suas intra certum terminum non restituerit, ex tunc in quæcunque provinciarum vestrarum detinentur vel transferuntur, donec ibi fuerint, nulla divina officia (præter Baptismum parvorum, & poenitentias morientium) celebrari, ne permittatis aliquatenus celebrari; & c. quoniam 19. de sent. excommunic. in 6. ibi: quoniam in Baptismo, & Confirmatione (quæendum pueris, sed adultis propter mors periculum exhiberi possunt licet tempore interdicti) Chrismatis utimur unctione: posse (licet terra interdicta existat) *Chrisma die tene Domini confici*, dubium non exitit. De confirmatione, in c. *Responso*, 43. h. ibi: *sicut baptizari possunt pueri, sic & baptizati ad Confirmationem in frontibus à ut possint sacro chrismate deliniri*: Altera pars de Eucharistia habetur c. *Quod in te*, 11. de poenit. quod retulimus superius, & c. *permittimus*, 57. de sent. excom. ita P. Bayly tr. 9. q. 14. Loquimur autem de communione more Laicorum, quo omnia fiant, acsi interdictum non esset.

Dubitatur, an tempore interdicti, de 2137 quo agimus, inter Sacraenta prohibita, veniat etiam matrimonium? p. non prohiberi matrimonium; ratio est, quia, licet in interdicto generatim prohibeatur suscepitio Sacramentorum, exceptis casibus in iure expressis, ut habetur c. *sí sententia*, 16. de sent. excom. in 6. & *matrimonium* non excipiatur: id tamen intelligi deberet de iis tantum, quæ commissa sunt administrationi Eccle-

Ecclesiae, seu Ministri ejus ad hoc ordinatis, aut deputatis; Ministri autem in Sacramento Matrimonii sunt ipsi contrahentes, non autem ipsi Ecclesiae Ministri; sic Hurtado cit. diffic. 8. n. 28. hinc per oppositionem rationem non possunt licet fieri benedictiones nuptiarum, cum pertineant ad divina officia; nec extrema unctio, etiam Clericis; haec enim ministratur ab Ecclesia, & in jure non excipitur, & habetur in c. quod in te, 11. de poenit. & remissionibus, ibi: *Licet autem per generale interdictum denegetur omnibus tam unctio, quam Ecclesiastica sepultura, &c.*

²¹⁴⁰ Ex ratione porro superius data sequitur, nec Ordines durante locali, ac generali interdicto conferri posse; nec etiam alia Sacra menta, quae exigunt administrationem Ministri ad hoc ordinati vel deputati; consequenter tam activè, quam passim prohiberi administrationem Sacramenti Ordinis dandi, vel recipiendi, extremæ unctionis, ac Eucharistiae more Laicorum extra mortis articulum, juxta dicta superius; quod tamen accipe de iis, qui non habent speciale privilegium, de quibus articulo sequenti; & ex his patet responsio ad quæstiones n. 2137. propositas.

²¹⁴¹ Præter hæc not. 1. cum dicitur, ne absolutio tempore interdicti excommunicato detur extra mortis articulum, intelligi de absolutione solenni, non privata; Sic Suarez D. 33. S. 1. n. 16. Secundo, si sano Sacramentum poenitentia ministretur in Ecclesia, fieri debere tempore, quo in ea non celebrantur officia divina; his enim interesse non permittitur interdictus, extra festivitates, & casus supra exceptos. Tertiò, cum datur facultas ministrandi Sacramentum tempore interdicti, intelligi datam secundum morem, quo illa consuevit Ecclesia ministrare cum omnibus ceremoniis; ita Sylvester V. *interdictum* 5. q. 7. Quartò, Communionem moribundis non tantum non negari in interdicto locali generali; sed etiam in personali tam generali, quam speciali; nam nulli morienti negatur Communio, cui conceditur poenitentia Sacramentum, ut dicitur in c. *quod in te*, 11. de poenit. & remission. hoc autem moribundo personaliter interdicto, supposita debitâ dispositione, non negatur, ut liquet ex illis verbis: *in illo enim verbo, per quod poenitentiam morientibus non negamus*. Quintò interdictum locale circumscribi loco, id

Tom. V.

est, extra limites terræ interdictæ non ligare; sic Bauny cit. q. 17. §. dubium. 3. Sextò prohibitionem ab ingressu Ecclesiae, verum esse interdictum, sed probabilius personale, ut notavimus; hinc talis nec privatæ devotionis causâ, esto tunc divina non celebrentur, intrare potest in Ecclesiam; & Clericus, qui tales ad divina recipit in Ecclesiam, punitur interdicto ingressus in Ecclesiam, c. *Episcoporum*, de privileg. 8. in 6. quod retulimus supr. Insontes autem Laici, aut etiam Clerici, qui divinis interfunt, non peccant, si ab adventu in Ecclesiam alicuius interdicti vitandi, à divinis non abeant.

§. 3.

Qualiter prohibita sit tempore interdicti sepulta Ecclesiastica?

²¹⁴² Tertius effectus interdicti est carentia sepulta sacræ, patet ex c. *quod in te*, de poenit. & remission. Circa hunc effectum not. 1. distinguendum esse, an interdictum sit locale? an personale? quando interdictum solum est locale, *in tali loco* sepeliri non possunt fideles Ecclesiastica sepulturæ, per c. *Quod in te*, 11. §. *Licet autem, de poenit. & remiss. ibi: Licet autem per generale interdictum denegetur omnibus Ecclesiastica sepultura;* excipe Clericos, qui servaverunt interdictum, hi enim (juxta cit. §. *Licet autem*) *in Ecclesia cæmiterio* (licet interdicto) *sive campanarum pulsatione, cefantibus solemnitatibus omnibus, cum silentio tumulari possunt.* 2. Etiam in ipsa Ecclesia, quantumvis interdicta etiam specialiter; nam *cæmiterium*, quod in hac favorabili dispositione exprimitur, non debet strictè sumi, excipe 3. ut in supra dictis festivitatibus (de quibus n. 2129.) etiam cum pulsu campanarum, & cantu, dicti Clerici sepeliri possint, ut ibidem ostensum est. Sic Layman. I. tr. 5. p. 4. c. 2. n. 3. Dixi *in tali loco*. Nam qui sunt interdicti generaliter solum ratione loci, non autem personaliter, in alio loco non interdicto ecclesiastice cœlicitè sepeliuntur; quia tunc neque circa personam, neque circa illum locum extat illa constitutio prohibens; Dixi 2. *ecclesiastice*. Nam tumulare interdictum in loco non sacro, prohibitum non est. Not. 2. interdictos localiter, in loco non sacro sepultos, cœstante interdicto, licet transferri ad locum sacrum; quia tunc cessat prohibitus, sepultos autem contra interdictum

Ooo 2

in

476 Tract. In Lib. V. Decretal. Quæst. XXXIX.

in loco sacro, non propterea debere rursum exhumari, ac transferri ad locum interdictum, quia hoc nullibi statutum est.

2143 Not. 3. interdictos personaliter, si non decesserunt impoenitentes, nec fuerunt denuntiati, posse in loco sacro non interdicto sepeliri, ut colligitur ex c. Sand, 24. q. 2. ubi Urbanus II. ait: *quibus vivis communicavimus, etiam mortuis communicare possumus*; si autem nondum fuerunt denuntiati, nec à divinis, nec à sepultura sacra ex obligatione repellendi sunt, post Concilium Constantiense, juxta dicta. Nam post Constitutionem Martini V. *Ad evitandum*, nullum interdictum, ante denuntiationem obligat ad vitandum, quod interdicitur; ita Navarrus in Manuali, c. 27. n. 187. & alii, & videtur colligi ex c. 1. de postul. Prælat. licet alias nominatim interdicti, etiam ab exemptis, jure antiquo fuerint evitandi, in his, quibus illis interdictum est, ut dicitur in c. *cum & plantare*, 3. de privileg. §. *excommunicatos*. Sufficit autem, cum tota communitas personaliter interdicitur, denuntiati totam Communiam; cum denuntiare singulos, moraliter impossibile sit; ita Suarez de Censuris D. 37. f. 2. n. 3.

2144 Si autem quæras, qualiter, & quibus modis violetur interdictum? responsio generalis est, interdictum violari, quoties prohibitus tali censurâ (citra causam excusantem) exercet actum sibi interdictum; aut permisum in substantia cum certis limitationibus præscriptum excedendo; quæ autem in interdicto locali, vel personali, tali censurâ laborantibus, aut innodatis interdicta sint? ex præmissis collendum est à n. ubi egimus de triplici effectu interdicti, quorum primus est usus tam activus, quam passivus aliquorum Sacramentorum prohibitus; Secundus celebrare, & audire divina officia: tertius carere Ecclesiastica sepulturâ.

ARTICULUS V.

De pœnis violentium interdictum.

2145 **R**esp. primam pœnam esse irregularitatem, statutam in Clericos, tam Regulares, quam saeculares, qui violent interdictum, sive personale, sive generale per exercitium solemne actus ordinis; ex

c. *Is, cui, 20.* de sent. excom. in 6. quod Hurtado diffic. 12. verum esse vult, esto interdictum illud non sit censura; namc. *Is, cui*, loquitur indefinitè de violante interdictum, ibi: *is, cui Ecclesie interdictus ingressus (cum sibi per consequens censeatur in ipsa divinorum celebratio interdicta) irregulare efficitur, se contra interdictum hujusmodi divinis in ea se ingerat, in suo agens officio, sic ut prius*. Ubi nota textum hunc loqui de interdicto, seu prohibito ab ingressu Ecclesie, quod interdictum est personale ex dictis supr. deinde de celebrante divina, *ut prius*, in Ecclesia, à cuius ingressu prohibitus est, ut liquet ex textu, si contra interdictum *in ea se ingerat* in suo agens officio, *ut prius*; hinc talis extra illam Ecclesiæ poterit celebrare divina; sic Barbolæ in cit. c. 20. n. 4. Not. 3. interdicto, seu prohibito ab ingressu Ecclesie non esse prohibitum omnem introitum in Ecclesiam, sed tantum eum, qui est ad celebrandum divina officia; colligitur ex illis verbis: *cum sibi per consequens censeatur in ipsa divinorum celebratio interdicta*.

Altera pœna est, ut, qui secluso privato legio scienter celebrat in loco supposito interdicto, irregularis fiat, irregularitate servata Papæ, ac ineligibilis passiæ, uideatur in c. *Is, qui, 18.* cod. §. *Is vers.* ibi: is verò, qui scienter in loco celebrat supposito interdicto (nisi super hoc privilegium existat, aut à jure sit concessum eidem) irregularitatem incurrit: à qua nequit per alium, quam per Romanum Pontificem liberari, & adeo efficitur intelligibilis, quid nec ad eligendum cum aliis debet admittit, &c. 1. de postulat. Prælator. ubi, qui violat interdictum, *impostulabilis* est, ibi: quoniam nobis pro certo constabat, quod idem Episcopus interdicti sententiam non servasset, *postulationem hujusmodi* non propter postulantem Ecclesiam, sed propter postulatam personam *repulimus ut indignam*. Dixi: *in loco interdicto supposito, scienter celebrantem*, dictas pœnas incurrere, quod non contingit, si quis scienter celebret in Ecclesia, vel loco sanguinis, vel semenis effusione polluto; quod etiam procedit de scienter celebrante coram excommunicato, per c. *Is qui, 18.* h. t. licet huic, scienter celebranti coram excommunicato interdicatur ingressus Ecclesie; & si sub hoc in ea celebret, irregularitas infligatur per c. *Epi.*